

天真閣集

天真閣集卷二十七

詩二十七

昭文 孫原湘 子瀟

昭陽協洽

松石齋硯歌

趙文毅公物九世孫

允懷

所藏予既爲作銘復申之

以詩

片石剛方如鐵面磨墨淋漓供直諫正氣常從墨氣凝撐持萬
古綱常變齋名松石三字存當年出處常隨身想當濡豪抗疏
夕風骨稜稜似此石輔臣若畱世無父輔臣若去國無輔去則
國衰弱畱則國富彊輔臣爲國忘親喪直臣爲世扶綱常公饒
我你殺我畱縱彊顏去不可天子怒相公怒可惜相才無相度
孤臣被逐倉黃行身惟一硯與一觥

許文穆贈
公兕觥

觥歸家廟黃流

馨硯傳後裔世澤承不見賢孫一疏尤琤琤又憑祖硯劾奪情
武陵何似張江陵

題畫蘭

宛然清露被江皋葉葉靈芬出素豪一種離披烟雨態勝泥殘
壁畫離騷

寫得靈根九畹芳玉父高展看瀟湘春風吹過閒蝴蝶畫裏來
尋畫外香

題瘞霍銘後

焦山屹江流蒼翠勝浮玉下有神仙書胎禽瘞山足何年值雷
轟瑤珉致壓覆體既裂爲四中又失其腹殘璋齧驚湍斷缺漱
怒狀肩竄久漂沒蟾鳥共沐浴石理成錐沙鋒穎近顏禿邵元
昔考次張望復搜錄銘尾闕文二右下失旁六物非趙璧完疑

且郭公蓄後人苦聯綴鳬彊雀脛續蕩蕩形舛譌銘銘韻重複
紫鳳與天吳顛倒義難續金山皮非眞玉煙刻尤俗惟有張力
臣搜剔窮江麓剗苔獲親捫臥葉藉仰矚周旋三日羸湊合四
紙簇題名審岳君引用屏西竹方位按若部圖經瞭如燭岱嶧
返舊觀匡廬還面目較前增八字依形摹四幅惜哉重立願未
得遂所欲銘文究何氏書法竟誰屬自從宋元來紛紛辨殊族
顧況華易號語出歐永叔羲之龍爪書論發黃山谷筆疑隋代
隸君謨以意卜畫近王瓚書無言因類觸東觀黃伯思餘論著
天祿斷爲陶隱居畫版本此縮天監辰午間時方棲句曲右軍
推甲午未涉朱方躅道翁溯壬辰其時髮初束辨說似可信興
論亦未服比以朱易館祇如鳬刻鵠較之茅山碑未免馬指鹿
南邨俟稽攷廣川辨紛郁不如淮陰張一婦陳案牘眞逸與山

樵逃名隱金籙仙尉及真宰頭銜比玉局烏容彊指名穿鑿徒
喧瀆滄洲出之江秋水好尤酷揚本當瑤琨什襲付緘櫝光訝
虹霓纏守恐蛟龍伏何當攜此本徑造焦先屋坐臥碧落旁摩
挲响嘯熟題詩子美蘇踏雪放翁陸訪古繼清興搜奇詫眼福
神仙如有靈護此薛碑綠橫江白露寒雀唳天風謾

王參軍墨櫟真蹟曩曾見吳竹橋丈家長卷茲復覩屈

竹田所藏巨幅爲題長句以識眼福

昔從吳氏

丈竹橋

見長卷絹羸二丈枝槎枒心頭橫亘二丈雪有

癭只癭元章花朝來一樹入我屋突兀眼前聳巖麓孤根偃蹇
蟠龍瘦力載千枝萬枝玉一枝勁挺一枝曲一枝下垂一枝羸
枝枝相顧不相觸奇外出奇神斷續張之滿屋狂花狂窺簷寒
雀欲下翔風吹朵朵來暗香拍手大叫櫟花王其筆雄彊不可

奪筆龍天矯，棋龍活是方。牛背讀書暇，笑對妻孥寫奇偏。抑從
虎帳談兵餘，盾鼻磨來墨濃抹。棋花格高高，似人落筆埽淨胸。
中塵高士手寫高士真，盡棄皮骨存其神。胸中但藏十萬兵，筆
陣所到何縱橫。皎然雪海冰天清，中有鐵馬金戈聲。五百餘年
絹不改，中含奇傑精靈在。王義高展看冰花，喚起當年胡大海。

鄭所南蘭卷

夜烏飛上冬青泣，半壁東南盡荆棘。獨立天榛地莽中國香，一
朵無人識其根。半死猶半生，其葉不枯亦不榮。棄根寫葉明爾
貞，葉其肺腑花丹誠。問根在何許，乃在白雲之鄉碧落宇。朝披
髮兮逐夸父，夜瀝肝兮訴天鼓。願天還我本穴國中一塊土，天
水沃之植香祖根兮。根兮託有所南風堂上，葉葉翻一葉一扇。
招霓旛，擘肝作紙淚作墨，寫此國殤好顏色。二王之靈耶，文山

疊山諸君之精英耶海波湯湯雲冥冥護此兩葉幽蘭馨助以
王清惠之悲鳴譜以汪水雲之琴聲卑如陸柔柔賤如毛惜惜
亦許冤栖此花碧惡艸叢叢首芟柞畱癡炎與黃萬石

鍾映淵得姬人陳淡宜作刀尺有觴圖索題戲成三絕

句

刀尺聲中玉漏長一鉤斜月照流黃勸郎今夜東風煥更爲如
花盡一觴

鍼箱綫帖伴琴書擁髻風情倦繡餘一縷柔絲雙翦水酒龍粗
氣盡消除

不數廬家有莫愁並頭雙影照銀甌酒闌更泥麻姑爪繡了鴛
鴦繡醉候

書明特授游擊將軍道州守備沈雲英墓志銘後

雲英蕭山長巷里人父至緒道州守備崇禎末流寇
攻道州至緒戰死雲英率十餘騎入賊柵連斬廿寇
奪父尸還賊避其威引去湖撫王聚奎上其事詔以
父官官之代領其衆其夫賈萬策蜀人也以都司守
荊州南門賊陷荊州萬策死之雲英乃辭官扶柩歸
葬家貧授徒傭書以自給族人沈兆易嘗從受春秋
胡氏傳年三十八卒葬於龜山毛姓誌其墓

趙娥隻身父讐報將軍全忠又全孝柴家一旅孀子軍將軍能
武兼能文殘明流寇如蠡起江漢紅巾蔽千里老將橫尸成國
殤壯士三千色灰死閨中有女方明妝擲卻寶釧持銀槍兜鍪
束髮巾幘藏朱旗拭淚臙脂光隨身十騎莫可當連斬卅寇如
屠羊奪還父尸血戰場白日慘慘天蒼蒼一軍從此人心奮開

營各厲摩天刃誓殺讎頭祭父靈誓平賊壘營歸櫬狂寇滔天
不怕天霹靂敢與天周旋獨畏蛾眉如畏虎捲甲潛逃竄如鼠
事聞天子恩特寬詔領父衆官其官秦家白桿號無敵忠勇還
看沈遊擊天心佑賊不佑明南避道州北破荆桓桓虎臣死結
纓父仇未畢夫仇并旣不能苟灌踰城救父急又不能謝蘊抽
刀殺夫賊賊躡金甌半殘缺一女支撐何補國辭郤專城印繳
還尺一封鎬車繡繖拋春風梨花長檜臥綠叢布裙兜土湘湖
東勁節自挺霜芙蓉十三篇畧收藏起一卷春秋傳弟子觸目
傷心淚灑珠銳司徒又辟司徒曾邀石甯君恩重忍向燕雲間
故都三百年來空養士禦寇誰如奇女子生入木蘭詩死入班
姬史蕭蕭松柏龕山墳松頂阜雕盤陣雲一碑足抗曹孝女萬
口尙說前將軍

二鳳曲

伍鳳姚鳳皆東莞人皆好酒起兵應文天祥伍善稍
敵圍急以銅鑒爲爵飲酒訖陷敵陣鏖戰力盡被縛
元將黃世雄欲降之伍大罵躍起縛盡絕左右趨殺
之姚善泗號水犀頭將軍兵敗得免歸操舟捕魚海
上元將張宏範遣使招之姚呼酒大醉哭三日死二
鳳正史失載予從張瘦銅墳集中見其事而詠之

白雁來羣鳥散鳳兮鳳兮獨赴難趙家天下賸海航長城只有
文天祥贛州一潰屯潮陽誰與應募來勤王一鳳飛騰橫稍利
一鳳廻翔逆泗至文山營卽阿閣巢得爾孤軍添兩翅古銅鑒
大一石容麗江江水蒲萄濃飲罷擲槩聲震空陷入敵陣摧其
鋒敵兵四面圍十重蛇矛丈八如游龍勢孤力竭無英雄頸血

熱濺花田紅一鳳見推一鳳隱散卻艤櫓擢漁艇糟邱臺卽桃
原境遁入醉鄉拌不醒醒來慟哭狼啼嶺被人窺見漁囊影酒
旗招颭旄頭頂先有一星天上等嗚呼二鳳皆酒徒市井不識
詩與書胸中祇識一趙字死爲趙家不移志紛紛迎降若犬彘
讀聖賢書學何事

客氏拜

王仲瞿從厰肆得客氏拜三字一帖字徑三寸予見
沈歸愚集中稱劉公訖嘗得一紙蓋遺穢亦人所珍
弄也

乾清門外呵殿聲老祖太太拜客行文拜崔呈秀武拜田爾畊
五彪五虎拜未徧中使傳宣頒御膳陸令萱位侍中李園妹納
後宮手障日月天朦朧世界染出茄花紅

金妃印

宋姬者宋端肅王女幼戲水濱得玉印一枚曰金妃
之印靖康遭掠入金金主彊納爲妃金徙二帝於五
國城姬驟諫主怒手刃之或病姬屈身事讐何如早
爲之所不知其蓄謀藏機將使禍生衽席以雪大恥
旣不得間猶冀一言悟主二帝生還卒至血濺金庭
骨糜鼎鑊其志不得伸其死得其所矣詩以明其志
日落汴城金世界天遣瑤妃作金配帝后青衣盡北來玉質金
枝復何處酪漿羶肉侍旂房豈比秦樓小鳳凰脂粉謾求涇水
磴梅花全改漢宮妝淒涼海上秋笳語木葉風高淚如雨青塚
拌爲絕域埋玉顏更比和戎苦痛絕天朝兩可汗事同懷愍最
辛酸牽羊已受青城辱鬻羈難禁雪窖寒玉階泥首哀號乞願

免宮車更遷越，但教魚服慶生還。敢惜峨睂膏斧鑕，赫然震怒
雷霆威。妄言敢乞潛龍歸，一聲未畢鵲唬恨三尺旋看鵲刀揮。
血濺金庭花盡落，尸橫毳帳日無輝。大讐未復身先死，地慘天
昏訴與誰。此身已悔明珠失，此耻誰爲玉湔雪。何似捐軀委質
前，免向穹廬執巾櫛。豈知臥甕如臥薪，口銜石闕難分明。趙娥
白刃常爲佩，芑婦長繩屢度城。朝承歡娛莫歌舞，博得讐人寵
讐女。九華帳裏暗層龍，一柱殿前親殪虎。莫認桓家配老奴，謾
猜羊后諛新主。事成不成自有天，諫死終爲得死所。沉埋碧血
無人憐，終攜玉印歸金仙。異鄉流落歌聲怨，雪恨何時返九泉。
欽宗朱后陷勢丹作怨歌二章曰：今委頓兮流落異鄉，嗟造物
兮速死爲殤。又曰：屈身辱志兮恨何可雪，誓速歸泉下兮此愁
絕可。

張生睂卿以不得探棹銅阬作詩寄恨詩以嘲之

張生示我棣花詩欲我寄與棣花知聲情宛轉若翠羽風前訴
說長相思潭東潭西我遊熟每抱花枝月明宿棣花以我爲故
人我以棣花作燕玉山中二月風雨多爲花不惜春泥拖有時
花神弄風雪僵凍還愁屐齒折興來欲行逕自行奈何一雨阻
爾情世閒萬事癡則成違天有志天無能憶花便成癡癡醒還
作詩謂爾不癡亦復癡花應鑒爾長相思花如驪然答君語爾
不我思託以雨爾欲爲蝶耶何地不可飛爾欲爲雀耶何枝不
可依若果相思便相覓但道相思竟何益平生與君不相識浪
說棣花苦相憶況君心不在銅坑作詩聊以銅坑名不然手寫
銅坑詩如何癡中卻癡孤山枝

訪錢二棣谿履園

岸雲如絮水雲昏何處孤山處士邨沿著暗香風蕩去萬棣花

裏一柴門

香雪盈園數里聞，卻憑脩竹半園分。
著書人在花中住，隔水遙看但綠雲。

花下開尊記古歡，臨行刻向翠琅玕。
香風送我出谿口，明月一船詩思寒。

新晴棹花下

連朝風雪怕春寒，乍喜新晴石徑乾。
曾是一番磨折後，轉綠顚顚耐人看。

一襟疎影瘦筇支，看到輕烟弄暝時。
越是清寒香越斂，最高還有未開枝。

錢武肅王鐵券歌

十雄恃彊稱帝七，錢王順天守臣節。
黃金富有十三州，卻寶區

區一方鐵願作開門節度使不願閉門作天子彎弓與落兩日
生揮劍摧殘三足死長安李花愁運終銘鐫金版來酬庸斗牛
王氣不可滅借此籠絡真英雄王果志扶王室弱忍覲宮車逼
遷洛奮威能擊羅平妖人衛偏忘紇干雀鎬城南面開雄圖錢
王如龍天子魚玉帶加封別有主梁王如狼越如鼠江東漫比
孫仲謀赤壁敢與曹兵仇三千犀弩入都卒不敵打毬馬一匹
全武豈不武昭諫豈不諫開門節度開門便但願東南息征戰
王心好佛如好仁不圖救國惟救民若憑一隅抗疆敵正恐萬
骨如飛塵王之功德在鄉里不在臣朱與臣李富貴令終實以
此九疇丹書奚足恃殘唐五季如雲煙錢家一券九百年土蝕
水沉鐵不朽所惜字出緇郎手

李節婦詩

潁川有賢媛曰嬪隴西子廿三桃夭賦廿八柏舟矢冰霜卅六年戰瘡徧十指百苦旣備嘗所欠惟一死死非婦所畏上有衰姑章夫亡翁繼歿姑又旋病牀姑病不可藥刲臂刀如霜死豈婦所畏所痛頻死喪死喪不可挽存者僅弱息呀呀兩扶牀兒更苦羸疾食爲求肉糜醫爲求藥朮教爲求名師婚爲求良匹恩勤心力殫日月去如駛女適士人妻兒作膠庠士鞠子旣抱孫可以報夫子煢煢卅六年所欠惟一死正月雨淒淒慈景將沉西伏枕呼兒前毋事醫藥爲平生彊顏活爲汝苦支持兒今已成立塵網吾何羈啓母臂上瘢啓母身上瘡瘢是孝竭誠瘠是慈盡力勁節雖表揚未表母心蹟兒誠念慈恩何以報母德

客臘煥甚樛花盛開入春後陰雨連旬比晴霽而花落

矣

得意在先放又無霜雪威正當香發越偏值雨霏微晦蹟原關
命乘時轉味幾讓他桃李樹客悅受春暉

春癡謠

米囊花濃春睡長上弦月射雕奩光春雲弄嬌顏海棠幽蘭露
眼啼新妝綠熊茵軟橫鴛鴦瑛盤蕉紫梨堆霜矮燈瘦縮青燐
芒斗帳靜裏遊絲香神雞叫日升扶桑海水易竭情難量花田
歲歲驕春易颺颺晝竄愁空房

書韓侂冑傳

誰敢中原誓復讐反挑強敵喪雄州惡名竟被千秋傳冤血還
行萬里頭一樣符離非辱國舉朝和議是良謀九原若見辛忠
敏蓋世奇功一哭休

讀文信國傳

小樓一日命如絲宋祚存亡未可知碧海縱無存趙處黃冠終
起伐元師志殊溝壑成仁大身係江山結局遲蘇武節毛稽紹
血愧他薤齒受封時

錢叔美爲邵蘭風作紀遊冊子

虎邱玉蘭房

青山淡如人春濃態微露寺古藏樹奇根枯發花怒繁枝塞空
庭妙香啓深悟東風散餘寒坐久暝色赴素月破空來微茫失
花處但聞清磬聲冥冥度煙去

燕子磯

長江萬里瀉石壁支中流客思有不樂於此一繫舟高出鷹隼
背下瞰龜鼉遊雲中秣陵樹古翠含高秋落日媚遠渚暝色澹
不收細數六朝癡雪浪空悠悠

日觀峯

我有萬古愁海水不可洗
矯首凌丹梯星辰捧珠履
天雞時一鳴朱霞出
裏裏五色扶桑花衝波溼
飛起青綠忽破碎了了見
千里何當爲蒼生笑跨神龍尾

居庸關

搖鞭入塞雲秋氣寒空黑
烈風卷馬飛欲仆不可勒
白骨堆如沙與艸同一色
陰厓多死樹勢若奇鬼逼
落日饑鶡鳴角聲啞無力
自非壯士懷離思那消得

桑乾河

枯桑號天風積雪沒馬腹
寒光逼天低鬼火慘不綠
縱橫不辨徑深淺印虎足
車行碾瑤花前進阻怒泐
渡馬兼渡人人反轆下伏
努力點一篙河聲脰于玉

西湖寓樓

驟雨挾秋至洗卻金碧湖南風將客轡吹墮煙饌餬山情滯於
雲樓影淡欲無敲來南屏鐘靜與荷香俱高秋臥涼翠鷗外泉
聲粗詩情寄何處瑟瑟西谿蘆

蘭風遺照

拔劍斫地還問天生才不用天無權浪遊關山秋一鞭視拾富
貴如遺鈿氣吞虹霓吸百川明日萬口新詩傳黃金擲水渦不
圓花癡跌碎春如煙九州無地埋愁仙紅塵窟裏貪長眠酒旗
一星搖紫驪仰首月鼉心茫然

上巳日同諸子醉月

無端插腳輒紅塵不醉如何放過春富貴盛衰花一度英雄成
敗酒三巡鶯啼隔葉傷心語蝶抱殘香失意人勸客當頭纖月

好不常圓聚卻常新

開門見新綠春光去矣

幾日東風報綠肥起尋春癡事全非千金有價花難鑄一蝶無聊絮共飛水去前谿誰勸轉雲來深塢獨知幾春光已去春如贅何苦遊絲絆落暉

庭中牡丹一本去年值予病中花甚瘦今年忽發三花倍極光豔爲之設酒召客寵之以詩

去年人病值花期花亦如人瘦不肥萬事盈虛須靜驗一身衰健有先幾勢緣蓄極文章盛開到春深伴侶稀不是化工才力大如何結得住芳菲

東風團坐綠雲深人把瓊壺鳥勸斟尺地可當侯萬戶寸陰須惜價千金能教薄俗回青眼難化羣芳釋妬心豔絕不緣開獨

晚開時桃李況成陰

言叔雲明府

朝樾

宰武寧於圃中棣樹上得蛺蝶五伶

分五色不知何時遺繭所化也繪圖屬爲作歌

使君爲政清而勤訟庭常蔭五色雲春風吹動雲紛紛化作鳳
子飛仙羣五色若按方位分散則成列團成文家山本是羅浮
邨栩栩祇識棣花覓吸棣花露餐棣芬香雪爲屋藏其身使君
覽之顏微嘖蝶穿花出來依人西山葛翁衣蛺蝶春仙壇麻姑解
下褰抑從滕王搦本眞畫裏飛出春駒神使君愛蝶如愛民不
許紈扇驚柔馴縱之日繞花千巡會看養大如車輪喧傳異事
民間聞爭來看蛺蝶登侯門吾侯爲政清而勤願爲青陵嬀使君

雲開吳樹珊秀才僑吾邑作尙湖春泛圖乞題

抱山城郭枕山邨春水如雲直到門橋引鷗來迎畫舫柳藏鶯

坐勸吟樽迷濛煙樹松圓筆蕩漾風花比玉
翫若把西湖較圍
泖鏡中差勝黛眉痕

初夏同諸子買醉綠陰

把酒東風得幾時黯然吹綠上春衣一天如
癡常疑雨萬物無
情自得肥鶯語不呼青帝轉蜚翬都化白雲
飛此閒可醉休辭
醉轉眼清陰事又非

雨後入桃源澗

萬樹綠成海一條飛白龍天風忽震蕩晴雪
滿芙蓉澗艸有仙
意谿雲如睡濃谿流杳然去何處桃華蹤

題樸谿天台遊臺

我癡桃源境瓊樓一半遮輪君有仙骨手
搯赤城霞流水將詩
思春風送到家開編淒豔煞如看古桃花

小霞偕平原諸子秋夜湖橋泛月繪圖乞詩

投甕高風不可攀少年難得此清閒月如至正年閒月山是大
癡圖裏山

月色助來湖氣勢湖波洗出月精神空靈詩境分明在清夜能
遊得幾人

張吟樵家有王石谷真蹟自跋云筆意磊落則本叔明
山容渾厚則法巨然摹古人在脫化不求形似也後
又錄文衡山一詩書畫堆邊潛一生論渠畫法借書
評請看瘦硬通神處純用顏筋柳骨成葢借文詩以
自鳴得意也吟樵屬爲題識

脫盡藩籬趣橫生南宗北派任人評山河大地虛空碎點入洪
爐一火成

寄題嚴氏菰園

小壺

綠鎖一壺深白雲不可埽春到無人知青苔長不老

方丹

翻如一葉舟長繫桃原裏卻笑晉時漁茫茫間流水

釣磯

幽人本忘幾坐老莓苔冷一陣落花來魚吞白雲影

學通亭

但聞白雪香便是孤山路花頂片雲輕冥冥雀飛去

寄閒軒

璇輪幹化機萬象易凋敝何如古井波輓轡任閒置

洗心石

埽卻石上雲玲瓏石呈竅還恐竅生雲自臨秋水照

香瀾亭

水氣涵花氣花光蕩水光一泓明鏡裏浸得月俱香

香雪阿

春來不見春冰雪封瑤闕不是暗香來都看作明月

落花感賦

玉閨清曉露華收細踏輕憐一徑幽消得繡鞦泥上住不曾孤
負骨風流

帖帖殘紅弱艸依回看綠葉自癡肥故枝欲上何由上輪與身
輕柳絮飛

穠華一霎漸紅乾博得清游幾度歡儘有未開先委地不曾消
受美人看

香篝已醒寢遽遽隨分飄零向玉除飛上繡茵成底事東風只道是吹噓

郊行

一邨濃綠滴人衣綠外青帘影亦稀胡蝶不知春去久麥溝風煥作團飛

水災謠

道光三年一春陰雨自芒種以迄小暑雨益猛注東南田疇並成巨浸昭文新陽常熟崑山震澤尤甚作此詩以告天

霖雨下時雨下一雨三十三晝夜下無綠野上無青天中無飛鳥無人煙天傾銀河當已竭龍卷滄溟更下汨萬民眼淚成江河哭雨不住如天何

朝雨猛山厨無烟跳鼃黽莫雨猛繩牀水高入蛇蚓場上雞飛
去屋頂不可栖盎中麥變成青紅不可食大兒漂沒如浮鷗小
兒夜被河伯收一家骨肉已不保田廬被淹胡足憂
兩三日田中水三尺雨十日田水一丈積積水通塘圍岸塝高
田低田同一擲屋浮浮如泛宅舟搖搖越阡陌膏腴一晦價值
五萬錢白浪接天鷗拍拍

小暑交積水不肯消小暑過積水轉益大東邨厚水人乏食西
邨厚水牛少力一夜東南風勢急明日水仍沒腰膝水滔滔心
莫焦嚴州徽州水過屋一半居民在魚腹

市有米家無糴河有魚厨無薪腹中餓告鄉鄰我無食鄰有困
鄉鄰爲言積穀防已身惡能慷慨濟爾貧城中自有常平倉官
吏耀穀入已囊爾餓胡不號公堂

災民瞽瞍羣呼長官官府大笑爾民何奸爾思租賦寬爾圖糧
不完妄言大水何漫漫水能來自能去急歸補植勿自誤有秧
插秧無秧種黍黍不足種薯蕷九月十月好完賦

有客有客姓澹臺代民號呼稱水災官爲降階迎是甚好風吹
得來苞苴耶賦稅耶爲所親者地耶旬有旬報月有月報有災
無災聽上官入告常平倉穀開尙早且復沿門勸平糶

水淫淫雨不已人愁愁我獨喜借問喜胡爲喜在天心與人應
九分田荒一分賸田賸一分荒未定索并高低成巨浸死卻收
漕官吏興雨淋鈴天勿晴願天落與官府聽

高田逼秋水漸消剝肉補瘡分客苗朝農補插暮雨猛一晦漂
沉金甘餅金誰借賣兒價從此孤栖更無藉枵腹入城且求化
城中街市盡行船長官還開栽苗田

阿嵯曲

元梁王巴叵刺瓦爾密鎮善闡時明玉珍寇雲南梁
王奔威楚大理段功爲總管帥師來援會玉珍母自
蜀寄書勅玉珍必得雲南功偵得其書使楊淵海更
其辭令玉珍速歸玉珍遂遁梁王德功甚以女阿嵯
妻之功畱居善闡功妻高氏寄詩促功歸有蜀錦半
閒妃央獨宿之句功乃返大理旣而復往有譖于梁
王者王密召阿嵯授以孔雀膽毒功曰猶有他平章
不失富貴也阿嵯密以情告功願與功西歸功曰我
有功爾家我趾蹶爾父爲我裹之爾何爲此言堅不
聽明日王邀功東寺演梵至通濟橋馬逸使蕃將格
殺之阿嵯聞變欲自盡王百計防衛嵯終賦詩愁憤

而死其詩曰吾家住在雁門深一片閒雲到瀕海心
懸明月照青天青天不語今三載欲隨明月到蒼山
誤我一生踏裏彩吐嚙吐嚙段阿奴施宗施秀同奴
友雲片波漣不見人押不蘆花顏色改肉屏獨坐細
思量西山鐵立霜瀟灑踏裏彩銷被名吐嚙言可惜
友我也押不蘆北方起死回生艸肉屏駱駝背鐵立
松林也皆蒙古語

一書功抵十萬軍鳳臺雙栖酬爾勲匪酬爾勲羈爾足韝鷹聊
作鴛鴦宿東邊死央宿西邊死央呼呼去復飛來錦翼遭籠箴
自謂功高人必感婦人之言計何闇豈知中選孔雀屏便伏禍
機孔雀膽淒淒夜半死央啼勸郎西歸不肯西醉遣難爲重耳
婦背夫忍作雍糾妻今夕鴛鴦宿明日鴛鴦離陰風佛火中冤

血花紛飛夫讐不復生非人夫讐何人是我親滅親兮親不可
滅雪憤兮憤不可雪押不蘆種已絕踏裏彩寸寸裂報親以不
報兮報夫以節化爲鐵立兮立如鐵

哭頊儒

老友餘君在過從況不遙憤時胸硯礫憂世髮飄蕭文俟千秋
定身先萬木凋

五秋前一日歿

城東衰艸路獨往更無聊

漫興

託鉢歸來自解嘲爲他作嫁太無聊求人屢寫平原帖乞食如
吹伍員簫古有青天曾粟雨世無丹竈可金燒憐余怕作陶彭
澤卻替哀鴻一折腰

題林硯莊

泰詩卷

吳下朝朝癡故鄉還鄉又苦憶金閨西風落葉東風絮兩種離

愁一樣忙

貧卻身家富卻才天公爲爾費安排
破窗風雨驚人句不是黃金鑄得來

太真沉醉圖

花夢沉沉紫霧冥東風扶起尙忪惺
海棠嬌態濃于酒連著君王醉不醒

許鐵山先生聽鶯圖遺照

鐵山名惟枚海鹽人以孝廉出宰上元
與袁隨園同時著有上元集行世

白門春色柳千絲畫裏仙郎瀟灑姿
想見俗淳公事少手籠詩艸散衙時

嬌喉宛轉滑銀簧醉耳聽歌砭俗腸
不信當年春兩岸南河風

煥北河霜

嘗與隨園小集秦淮座有歌邵鐵山目攝之隨園調之以詩云爾

自題畫梅

天生倔彊一枝斜老住空山關歲華遮斷白雲人不到春風得意自開花
受盡嚴霜朔雪欺孤芳全不合時宜胎中自具調羹性說與桃花卻不知

冬至煥甚

能歛氣始謐久舒精亦亡如何苦淫溢更復失收藏下溼民多疾暄和物轉傷徒聞寒雀喜不凍集空倉

閑逢涪灘

元旦雨

終歲惟占此日晴埽除荒象轉豐亨天偏覆雨翻雪慣人盡拖

泥帶水行四野炊烟沉不起一城爆竹啞無聲澹江久絕朝參
寢只向茅簷頌太平

書張魏公傳

殺趙哲殺曲端一時將士俱心寒富平潰符離潰半壁江山徒
破碎薦才薦秦檜召軍召鄜瓊任將不能將用兵不知兵事同
韓賈功無成復讐反竊忠義名烏虜舉朝滄滄稱公賢如公功
罪胡可言佳兒嬾有張商軒

書曲端傳

奪恕印追瓊軍將軍跋扈疑無君控涇原保全陝將軍威名真
不忝敵兵十萬我八千彼主我客非萬全按兵據險須十年言
之都護曰不然用將軍築壇拜忌將軍長城壞將軍獄中已繫
維軍中猶卓將軍旗莫須有獄俊助成題柱詩獄浚實興烏虜

鐵象殊可惜豈獨鐵山應鑄鐵

書史彌遠嵩之傳

宋史不知何所見巨奸不入奸臣傳謂其擁戴功移星射日天難容謂其鋤奸力驅羊進狼同誤國獨相九年國脈傷宋祚未亡先已亡助惡有三凶濟惡更一姪蠻烟瘴雨布朝廷晉胙秦涇作堂食韓止佳兵賈浪子未殺儲君毒正士不寬賈韓獨寬史史書不公有如此

書王倫傳

二帝蒙塵九廟空誰能絕域試奇功敢臨虎口陳和議直請龍顏返故宮一死拒封孫揆烈六年持節子卿忠冷山風節知誰勝卻道來從市井中

書馬植傳

燕人建策議圖燕慷慨中原誓著鞭三使不辭趨海道六州終
得拓山前誰貪侯景輕招納卻致單于數寇邊未獲論功翻首
禍可憐蔡郭傳同編

書姜堯臣

靖康之變上皇將赴金營堯臣爲中書舍人極諫不
可往番使以骨朵擊之死見俞文豹清夜錄爲補詠
其事與前數詩皆以訂宋史之謬誤闕畧云

荊棘銅駝勢已成攀轅號哭有書生儼同朝服登車衛忍見青
衣執蓋行晉乘獨遺王雋傳唐書僅覩海青名幽貞更惜蛾眉
殞闕史如何補得清曹勛北狩錄四太子求王嬀容爲枯
罕子婦婉容自刎死亦史所不載

循吏謠

鄧夢琴浮梁人以進士令江津有甲毆乙死置尸黃

某之門前政比黃罪黃瘦死民盜樹爲樹主斫顛左旋不死以他事與人爭潰腹死前政以比樹主公至悉平反之定遠民被殺不得主名誣者六人矣公奉府檄廉得實獄始具後官陝西擢漢中守公之論治曰聽訟末也雖然有本焉古之人先治已之好惡而後察人之好惡爲好惡故所至皆治歿後從祀川陝名宦子傳安予乙丑同榜生以狀乞詩爲被之絃以備史乘之采

夔谿濁東家殺人誤西捉夔谿清出罪入罪官神明三年旱六月雪黑獄沉沉誰照徹使君清水刷濁泥夔谿清到苦竹谿作令令擢守守古所難今則有生爲明廷歿明神疇其尸祝蜀與秦使君論政聾聵振治獄治人先治身烏虜夔谿之清清徹底

治譜遙遙父傳子

仲春棹花下

得氣妙於早當機翻自遲香疑微動處春在最高枝淡極已如
癭寒消應未知卻愁終爛漫芳意願堅持

簡眉卿探棹山中

一樹珠胎結凍雲相思何日散氤氲扁舟昨過杏花岸春意枝
頭已十分

得意一枝兼兩枝便無香處可尋詩紛紛車馬看花日是我閑
門高臥時

輓邵匏風孝廉

廣融

同年

我之先祖妣君之曾祖姑君祖我父行卓犖爲耆儒置酒洛中
社高會吳橋與蘇公我時參末座君亦在座隅當筵一語訥下

筆千言趨輝映先達前嗟歎稱璠璣忽忽四十載老成悉云殂
當日兩童子各已霜染鬚君年比我少今亦歸區壩載詠歎逝
文馬策空踟躕

同年誰最密矯矯席稭仙廉隅共砥礪講席相周旋君家蘭風
弟藻采尤翩翩花晨與月夕文酒開長筵席旣不得志修文去
遙天蘭亦自顚顚客死沉幽燕惟君松悅柏相契蓀與荃每聞
山陽篴對影黃壚邊君今復永逝我獨傷華顚惟應扣闥闔各
賦招魂篇

開君松阿閣白日慘欲莫前軒海棠枝後院丁香樹蘭羞敬奠
陳桂醕載浥注春風颯然來瑤空降鸞馭羈仙爲之賓蘭風亦
從耐叔野及子淵靈旗各紛駐落棋滿空庭游竟或棲附墜歡
不可拾陳迹渺煙霧幽明理睽隔惻愴永哀慕逝將假羽翼

君向天路

雨中秋海棠

小字相同致不同一生從未識東風秋情兼得春情豔轉在鄮
眉淚眼中

巖子陵

二十八星環紫宸一星影自落江濱掉頭不肯臣天子仲卿何
妨犯故人翟服尙看終解綬羊裘祇合老垂綸雙樓恰有梅家
女生就高風似子真

龐德公

漫勞車馬涸林泉一笑鴻飛別有天麟閣風雲皆瘦幻鹿門煙
樹自神仙英雄事業空圖霸豚犬兒曹豈足傳何似山南芝艸
熟全家飽啐枕霞眠

東方朔

昂藏九尺立金門
俸比侏儒亦主恩
割肉無聊遺少婦
借車有意溷公孫
滑稽晏子通強諫
詞賦相如動至尊
四十萬言空飽讀
朝朝執戟暗消魂

曹子建

西館幽居望紫宸
上書垂涕勸親親
雁飛忍絕同懷弟
猿顧偏留異相臣
白馬臨歧悲逐客
青蠅監國奈讒人
微波願得君王盼
小變離騷賦洛神

張靈像贊

虎阜花天酒飛雨中
有狂生狂入古忽而
吹簫忽胡舞目無一
人豈獨賈來如電光
去如霆蹟之不得世
眼驚人含奇氣便仙
骨豈必蝙蝠真成精
蝦蟇不幸鄰尾族謝
豹何羞蟄蟲伏曠然

蟬蛻還太清一樹寒松遶山麓

焚香曲

春風靜無聲博山火初炷重簾懸曲瓊斜曷淡微駐脈脈觀游
絲冥冥聽落絮默坐愜元賞忘言領深趣名理不待析輕塵忽
飛去前谿定花開空外有香度

花朝再過棋花下

未開何不繞千巡待得開齊已墮茵猶幸重來餘半樹若爲看
去尙初春綠還自誤非關分鳥亦無言豈獨人堅坐不知西日
下苦將鵲戀補因循

自題洛神硯

海上三神翠渺茫丹誠無路獻明璫感甄心事誰人識自啓秋
窗寫幾行

井田硯銘

此心青先生之田情耕性耨大有年餘力猶開十丈之青蓮

朴硯銘

子之困也不如墨之運也子之鈍也不如筆之奮也及夫墨盡筆禿而之靜而鎮焉困无咎鈍則壽

棋花

棋花常似病宜瘦不宜肥靜領雪消意淡違春豔幾癡來和月古香遠入琴微時見白雲外冥冥孤雀飛

憶雀行

太倉南園古棋一株王文肅手植也余八九齡時居外家陸氏花時舅氏潤之先生攜過花下曰此所謂一隻瘦雀也事閱五十餘稔兒時所見都不記憶獨

瘦霍之狀軒軒心目目前乃知瑰奇古異別於俗物之
難記花木猶如此矣

槲花過眼萬萬枝惟有一樹長相思相思在何許乃在南國之
南白雲圃云是調羹手自栽曾識曇易散花女當時平原莊萬
木暗林塢癡肥臃腫皆雲煙一樹清臞獨千古孤根偃蹇皮半
枯槎枒老幹花全無一枝別起勢飛動夭矯直欲離根株旁枝
四起左右翼下覆錯落千明珠絕頂一枝忽返掉有若振翩凌
天衢我時欲攀不得攀遙望縹渺如雲閒春風一吹儻飛去月
明何日銜珠還五十五年如一霎昔日兒童今白髮先我看看
已如化霍之丁公後我看者孰爲放霍之逋翁人來人往不可
悉花落花開幹如鐵不知更壽幾千春枝頭猶藏堯年雪

獨坐

綠籜半解新煙欲流偶值微風與泉鳴秋靜得古異動隨天游
如有詩思白雲九州

天真閣集卷二十八

詩二十八

昭文 孫原湘 子蕭

閒逢涪灘

春陰曲

濃雲壓簷簷益低柳絲偏重紅關西綠苔孤圓人蹟悄一鳩自
背花閒啼杏花似與桃花語去年今日無乾土未等開齊落已
多江南黯澹春無主一自春霖接夏霖高田盡沒低田沉奇荒
百歲詔未見哀鳴千里多遺音今年苦盼春光好二月百花開
得早可奈東風作雨來依然落地紅嬌小花開不開何足嗟麥
田已爛菜不花東南逃亡邨落散滿塍新水跳魚蝦老翁龍鍾
病不起餓聽廉纖頽屋底是誰屐齒扣門來里長催徵隔年米
錢七叔美作樸花卷見贈報之以詩

古來畫梅只數手錢七胸中無不有畫成縱橫別有神卻無一
筆偷古人畫梅花得其意君畫叢叢有香氣人畫梅花得其
骨君畫濛濛有煙月千枝萬幹一筆揮千變萬化一筆隨初看
離披不似畫但覺元氣淋漓爲君畫山水稱第一不道梅花更
奇絕道從悟後萬象通神妙不在形模中我亦平生頗耽此與
君苦無一筆似我如水邊籬落枝君乃亂插繁花時兩家才力
若相較杜陵壓倒林逋詩

蔣再山少尹種菜圖

貳尹官閒不可耐不得種花且種菜閒門如水圍儲胥呼童手
攜鴉觔鋤與其哦松作斯立何如學圃爲樊須軒名味菜味有
餘金齏玉膾珍不如肥根滿盤日齧卻百事不作去丞負余古
來英雄能有幾長鑣長鑣聊復爾君今有官樂聖時月支俸廩

無憂饑李恂不納官廨蘇公儀自拔園中葵奈何日求隱居味
庾郎清貧綠滿畦不見孔明令軍植夢靑蜀中菜以諸葛名忠
定課民植蘆菰張知縣菜傳楚俗物緣人重事卽傳重不以官
惟以賢丞哉丞哉君勿嫌此職易守清而廉譬如菜甲飽風露
嚴霜不打味不甜卽今哀鴻遍中澤掘盡鳧莊人絕食願君擲
卻種菜鋤救取萬民無此色

牡丹初開同諸子語雨

乍舒紅豔趁晴光又苦浮雲障夕陽猶喜春風恩未足漫期小
雨厄無妨家貧花亦如人瘦歲歉詩難似酒狂天自言愁吾且
醉一襟和淚受天香

蔣奇男招飲燕園牡丹花下卽事寄伯生

一塢彤雲擁萬枝滿園胡蝶盡催詩化工發洩才情大人世流

連富貴遲長帶笑來看不厭得澆愁去醉何辭河陽仙令歸來
否剪葉書成寄與知

嘉慶壬申之秋長女文筠誕女不育予慰之以詩曰明
年十月黃花發來看而翁喜抱孫屆期生子升基生
十二年而殤母哭之慟作詩以紓其悲

汝母未生男初索得一女墮地卽不育作詩語汝祖期以來歲
秋定獲一雄舉屆期汝誕生詩識共矜許湯餅開長筵黃花耀
尊俎事未一紀周光景歷如覩汝今又夭折不及象勺舞鸞若
朝槿榮夕萎已千古

前年汝叔天汝弟承其祧汝耶與汝母惟汝慰寂寥天又奪之
去思子形神銷方長橫遭折生理回舊條不見羊叔子金環探
非遙亦有顧非熊夙生事昭昭願急投母懷母昧前因招吾將

洗老眼重看衮師嬌

牡丹落矣旁發一葉後春而花倍極光豔重爲置酒召

客寵之以詩

穠華委地散春痕一夜瓊芽怒發根遮道欲廻青帝駕墜樓重
起綠珠魂綠緣經斷續逾堪喜氣有參差轉是恩恰似功成歸去
日科名又得見兒孫

張鹿樵觀察

大鏞

屬題尊人侍御公丙舍圖

一角芙蓉翠維摩對而峯梨花寒食夜明月鬼仙蹤下有豸冠
史藏茲馬鬣封時聞天半雀來語墓門松

我有先人墓

先曾祖朝議公墓
在侍御墓之東

營茲兆域東歲時陳麥飯涕泣

灑松風守喜鄰相望貧輸氣鬱葱兩家霜露感同在此圖中

春杪登大石山房和睂卿韻

宋集卷之六
殘香世界綠成陰
滿地閒愁一蜨尋
春駐東風猶澹蕩
人攀西日且登臨
萬家塵寢無醒醉
半晌清談又古今
啼鳥自歌花自舞
憑闌有客自傷心

磐石誰能紀歲華
一壺深鎖絕囂譁
空靈天地新詩窟
青綠湖山古畫家
芳艸漫無愁界限
楊花全是寢生涯
置身若在繁華隊
那見歸林點點鴉

牡丹重開山樵詹卿俱以詩紀瑞重有是作

百花開後開結束
一春氣花盡花復生
力且破春例綠天春已
歸權敢拘青帝萬家絕
點紅一藥奪天異索之
四海寬眼下定無二問
之千古入春後曾有未
大塊文章雄篇終又篇
繼未妨挺孤危孰與鬪
妍麗羣芳乘化工發洩
渺餘地獨能養有餘不
測示生意惟先孕不繁
後乃嗣罔替奇瑞毋數
呈元機慎緘闕

蔣節母詩

節母盛氏汶上令蔣蓼庭之窻室年二十五而寡生
二子曰文以勞得疾天曰天培幼殤節母上侍大婦
金下撫孤孫成艱辛倍至及成官奉化丞迎養之署
未幾歿守節三十八年成文之子來乞詩者也

殉節易守節難殉以一日守百年孤燈長夜何漫漫常節易苦
節難上依大婦冰霜寒下舖二雛冰蘖餐毛羽未成慈力殫一
殤一夭摧心肝幸留孫枝弱且單烏庠長夜何漫漫孫今之官
母壽迫三十八年光一擲

贈姚子員參軍

錫

神仙豈不樂於世竟何補聖賢恥獨善跳身入寰宇姚君個儼
人方寸抱霖雨一官繫中州十年困羈旅但能濟蒼生何惜屈

丞簿黃流怒龍魚赤倉闕豺虎子真屢上書小試吾治譜奇謀
不適用逸足恥駘伍浩然思故鄉傲屣脫簪組東西雙鏡湖采
采足蘅杜書劍雖飄零豪情自千古胸中有長劍一日幾回撫
胸中有奇書萬言恣傾吐道德爲繡襦仁義爲脰脯陋巷日閉
門心肝比糶禹

時方大水後奇荒
與君謀賑卹之事

周山樵玉笙怨一闕張鳳樓女史爲之補畫圖中一姝

捧笙凝竚若有所思殆楚宮碧城之詎輒題兩詩

瑠瑤一片碧無情隔著人天譜玉笙夫媚恨非王子晉侍兒猜
是董雙成秋河水煥思前度夜合花濃卜再生顧曲定知青眼
在幾時偷下步虛聲

當年別癭記淹淹靜夜燒香齋鎖蟾事太參差如鳳管緣無障
礙是蝦簾手提蓮瓣弓三寸親上菱花鏡一匳今日思量倍惆

帳銀灣公案證華嚴

芙蓉莊看紅豆花詩

吾鄉芙蓉莊紅豆樹自順治辛丑花開後至今百六十又四年矣乾隆時樹已枯鄉人將伐爲薪發根而蛇見遂不敢伐閱數年復榮今又幢幢如蓋矣今年忽發花滿樹玉蕊檀心中挺一莖獨如丹砂莖之本轉綠卽豆莢也辛烈類丁香清露晨流香徹數里見日則合矣王生巨川邀余往觀爲乞一枝而歸葉亦可把玩璽瓏不齊王生言至秋冬時丹黃如楓也道光四年五月記

詩仙當日隱雙臺綠樹晴搖白雪堆紅豆莊中人去久春風花又爲誰開

我聞密室照花光相映瓊匳素面妝曾是美人親采擷零香賸
粉耐思量

百年彈指劫灰寒籬落金輪湧現難已較蟠桃花信近三千年
可甘回看

休問花前白髮明平泉花木已榛荆世閒惟有情堅固枯盡根
株又發生

澣卻紅妝蘊素芬花房羞避朝暉天生一種傾城色只似胎
仙閣上雲

頽鬟絡索繫香纓傅粉塗黃總有情不是中心丹一點相思那
許得收成

露浥辛香數里傳情根發越太纏綿天風吹過華鬢市諸佛蒲
團盡破禪

檀心玉藥世應稀。葉也多情翠不肥。卻較花枝含豔色。秋來解作絳雲飛。

乞得春深玉一枝。雙紅公案慰相思。歸家兒女爭傳看。勝比瓊林插帽時。

檀板金尊迹已陳。江南樂府又翻新。風前柳眼分明甚。省識看花大有人。

紅豆花歌

前十章意有未盡。申以此詩。

世閒惟情死不滅。情取久長不取密。但看相思一樹花。百六十年緣再結。自從詩老騎星辰。輞川花木皆飛塵。蟲穿鳥剝一枯樹。野人磨斧摧爲薪。天公夜敕馬援神。蟠踞靈穴周三輪。冬心下蟄春氣應。遁出劫火回輪囷。樹不輕花。情內斂。情偶發。舒花。

數點轉緣枯後鬱積深發露情機無所掩千枝萬枝玉雪堆十里五里香風回百歲老翁詫奇事誰見死樹能花開四方觀者絡繹來野田便是花瑤臺花前細說花氣數陣陣劫灰飛上樹胎仙名閣數枝縵絡垂主人方盛花何衰胎仙已頽樹易姓地運衰時花轉盛花衰花盛兩度春前人後人思各新花盛前人不
如我花主我不如前人焉知婆娑花下客非卽前度看花身手
采一枝笑不止平生眼福竟有此所惜此三回甲子多少傾城
與名士蓄眼未覩相思花空抱相思淚生死

畫梅

畫梅休畫似開殘越要花多越耐看說與至情人領畧踈時容
易密時難

一枝枯寂萬枝妍繁簡都嫌著意偏無意得來剛好處世間何

事不天然

贈涇縣翟秀才湘

昔行桃花潭春水如桃花但覺東風好吹來片片霞詩情渺何
許隔崦有人家欲就谿鷗問谿流不繫槎

不見桃花久桃花疑卽君襄中詩一卷猶帶水西雲李白乘舟
處吟聲不可聞惟應谿上月清影弄紛紛

胡安國

一卷春秋寓諷辭不容祭仲列同時挺然松柏隆冬秀祇惜攀

援近檜枝

謝良佐曰胡康侯如大冬
嚴雪而松柏挺然獨秀

王安石

神宗銳意詰戎兵環顧朝端盡老成方恨漢文疎賈傳遂憑周
禮誤蒼生天懲司馬垂星變人詛宏羊爲雨烹但使青苗行一

縣南江春水有賢聲

鎮王竑

鋤奸心蹟太分明反逼移星換日成妄擬霍光要太后敢爲國
老立門生漁人傳檄如兒戲美女彈琴有殺聲一樣黃袍倉卒
被陳橋當日轉無名

鄭清之

惠日樓中定策時上天下地兩人知事成竟獲三台座語洩難
逃九族夷金匱忍違昭憲命玉林應絕太宗支江山終屬燕王
後天意癡兒食報遲

清涼居士

清涼居士本飛騰熱血懷中頓化冰已分兩宮沉絕域漫勞百
戰助中興蛾眉作氣皆名將驢背閒身似野僧撥盡爐灰謀縛

虎九霄偏有脫韉鷹

鐵纒橫江拽彩虹使船如馬建奇功天心不復中原土人力難呼大海風早禁書生爲敵用豈容強虜鑿渠通岸兵未入軍先鼓明縱緋袍脫廟中

書王虎臣王大用

沙洋城中萬人泣趙將軍頭擲來涇招降使者語喋喋桓桓兩臣挺劍立焚其榜斬其使有謀出降例如此城存則存死則死文煥賊臣敢無恥嗚呼兩公之忠昭若電宋史中無姓名見其事乃見伯顏傳

書夏貴

宋淮西制置使降元後授參知政事江淮行中書省左丞

夏相公頭白翁可憐血戰二十載勞績不見本史中虎嘯山憑一礮攻元史張庭瑞傳鹿門山當七日衝李庭傳十萬軍決正易水塔出傳

四十矢著文炳胸董文炳傳武昌江中萬艨艟橫截伯顏不得東本紀

及伯顏傳支撐末造事非易所恨都督眞凡庸側身南望勢感窮少

帝北去遮無從此時若果眞英雄白頭捐軀勝令終獻城卻學
范文虎殉國有愧陳文龍宋史旣嫌人不忠元史又苦人無功
兩朝總無位置處一身竟落青史空嗚呼夏相公八十壽何不
享年七十九

畫梅寄薛畫水司馬玉堂

冰雪巖坳老幹支天生倔彊性如斯
纔端畧帶和柔意便是凡桃豔李枝

臨池戲作

一紙書成費揣摩態嫌肥瘦勢偏頗
莫將敗筆添脩飾脩好從來壞更多

落筆縱橫以氣行短長肥瘠任人評不如意處休回顧一著遲
疑窒礙生
信手揮毫不假思一逢愛好便矜持病根不在矜持處原在尋
常率意時

海市歌

吾邑去海三十六里未見海市也甲申六月六日酉
時於通江橋見之有城垣樓閣人物車馬有橋有船
有浮圖有樹少選五色浮動萬怪惶惑紛紜往還莫
可名狀蓋頻歲積潦陰凝之氣鬱而上浮卽云蛟蜃
所爲彼亦有所召也詩不能盡其異但無不實耳
非雲非煙是何氣非氛非祲是何異非鬼非人是何技非地非
天是何繫突然城郭憑空懸空際隱隱生人煙九衢人影瓏璽

穿樓臺無輪自轉旋金橋下合虹霓圓橋上走龍馬橋下龍負
船海水忽立海藏開水犀雜沓馱寶來老龍化作碧眼賈血辨
蚩尤淚盤古水妃含笑明月吐泉客撒珠如撒雨寶光射日日
不行寶氣通天天亦驚紅霞羞見珊瑚明市塵一色黃金成須
臾浮動金世界中央浮圖獨不壞龍王低頭禮白豪龍女如花
四圍拜何人長臂能畫空畫得清虛之處如此濃不然空中有
一大圓鏡萬象都從鏡中映真寶所聚寶必藏虛空無寶現寶
光從來實境見了了越是幻形看越好去年大水今未乾陰氣
下凝忽上蟠生靈漂沒幾百萬博此片刻真奇觀長風一吹金
碧消萬目曜曜通江橋

荀彧

子房一箸爲誰籌爲操無非爲國憂九錫遲加能已篡三城首

定實安劉祇求早早迎天子未許匆匆復冀州不是成仁拌一死曹家真箇有留侯

臧洪

羣雄逐鹿皆讐寇獨念君親奮此身晉鄙一軍誰救趙包胥七日枉號秦城空鼠肉難爲守室有蛾眉可飮人慷慨男兒同日死漢家先見有張巡

書三國志後

創將諂例誣青史自此人間直筆休一統但知尊魏晉三分何忍寇炎劉舞文盡滅茲雄迹書法從開纂弒謀地下董狐應絕倒不諳時務是春秋

弒君滅后非常事放手無難一筆勾大意總爲司馬諱私心豈但臥龍儼誰能筆削翻陳案直是阿諛學譙去侯猶惜少收干

斛米一篇佳傳缺渠州

觀荷華滙

風遠識荷氣放船聊溯河田鳴前夜雨邨繪隔年災數里渺瀰
入一池零落開野人藜藿面爭訝看花來

出迎春門三里許曰湖涇橋過橋則東湖矣人家多種
荷花一望數里無際李生式齋邀余與諸子薄花而
飲香交遠近不風自涼丹霞綠雲參錯相閒中央白
鷗數點若浮若沒審之乃白蓮也循隄行數十武莫
窮究竟但見西南諸峯如近在花外耳爭就船脣拗
蓮莖作碧簞飲已復去其葉就壺中倒吸之無不盡
醉於是放乎中流湖中雲如海山縹緲引人仙去回
顧向所泊處非復人境矣

聞香不見花香在花深處尋香入花中香又離人去將船障斜
日與花作戀雪將筵就花飲與花作嘉賓人顏醉如花花意不
肯罷翠葉能勸人當杯一珠瀉花情載不得詩境空秋煙冷香
十八里鷗與花同眠

離恨天歌

愁天一角萬古渾日月不到雲昏昏芙蓉城郭桃花邨往來怨
鬼兼癡覓啼紅慘綠紛無主悲氣爲風怨成雨媧皇百鍊陰陽
鑪鑄錯情天不能補三生旣非鴛與鴦兩星不若常參商奈何
不親不疎但相見不離不合但相念不恩不讎但相怨不死不
生但相戀天猶妬爾空空緣玉簫劈破參差圓冥冥飛去花中
煙不爲樂鬼爲愁仙蓮花一壺仙一年天宮有界愁無邊淚珠
灑作星滿天情波日滴銀河穿每說將愁天上寄天上埋愁更

無地秋煙不語暗相思。裊裊長空不成字。何不化爲雙彩虹。橫斷日月天西東。陰陽隔絕徑不通。一掃萬古癡情空。徒抱冤禽泣真宰。手綰青霓結不解。烏得填完爾恨海。我將揭去青瑤瑤。力挽仙馭回靈旗。西采優曇花。東采若木枝。將枝作骨。花作肌。鑄爾不死金。仙儀自笑癡狂癡。不止爾卽重生我。還死一生一死終不齊。一悲一喜徒笑啼。不如冥漠歸無知。生亦不必生。思亦不必思。大家化作盤古以前混沌泥。一氣和合無終期。

悲知已七歌

猶可得者知音不可得者知心。兩心各自懷深深。如何日西月東相照臨。我心搖搖志不定。得君一言堅。我信君心慘慘懷。殷憂得我一見釋。百愁洪爐鍊。情情似鐵鐵。猶可消情不滅。一夜炎風吹作雪。太華峯頭玉蓮折。樂莫樂兮得知已。悲莫悲兮知

已死出門衰艸白茫茫地慘天愁自茲始

虛堂無聲蝙蝠舞夜降仙竈與人語燭花瘦作青燐光竈來竈
風去靈雨女須耶定奴耶章丹陳珠耶紙灰飛旋鴛鴦符靈談
鬼嘯皆虛誕不如仰首觀太容仙靈或在虛無中仿佛求索竈
何用明月窺人入幽寢

秋花瑟瑟煙冥冥碧城十二香同聽手攀明月與君語青天笑
倚瑤瑤屏君爲天星我爲石石躍寒空化星碧東海掀翻北斗
斟傾情倒意無終極銀河潺潺水聲小靈虬咽珠珠不飽褻拂
珊瑚天已曉烏得夜夜懷中來寢草

或言夸父之杖不能追日于鄧林何苦戚促悲西沉但須地湧
生黃金可買天下人同心黃塵躡躡徒步蹢躅道逢一人攜與
之語百金買顏色千金買氣力萬金任買才與德惟有同心買

不得朝盟皦日夕背恩有淚還哭知已竟

或勸傾心結屠狗此中亦有非常叟一言得意杯酒閒熱血淋漓傾一斗與其結交公孫宏何如相識籍少公同心勿論貴與賤信陵朱亥成奇功古人已古今自今三絃不可復古肯欲求古人金石心奈何世俗齷齪之中尋

逝將求仙東入海一採桃花竟千載海波如鏡紅雲開芙蓉五朵浮空來日月照耀金銀臺仙之人兮紛徘徊風裳水佩若相識虛無飄渺今不可以竟卽但聞龍悲吟鳥哀號茫茫萬古空寒濤東海有時澗長夜何時春海中若有不死藥世上真有長生人

世無長生人同此百年短與君雖長別相見定不遠不求返生香不求來生緣但求身死心勿死死生同一金石堅開君寄我

尺素雖是君生時雙淚霑我今一讀一淚落譬若對語悲愁添
緘君舊時書收我今日淚從此洗空情障累待取重泉相見時
與君再賦同心詩

善哉行輓胡翁

胡翁九十面凍梨終朝爲善樂不疲手攜柳籃繞城走羣兒力
竭相追隨杖頭累累阿堵物散與貧兒如葉脫歸家枯坐無一
錢自汲香泉洗餅鉢

道旁乞兒泣不止城南善人昨朝死滿城豈乏豪富家叫破青
天風過耳往時號哭翁門前飯我脫粟覆我甌如今凍餒無人
應明日尋翁向九泉

翁之善行萬口賢翁之絕技千人傳每逢佳士一圖寫點睛欲
活添豪妍技也通神有若此能令死者長不死翁今已死誰替

人我爲作詩當寫真

題顧文淵墨竹

款爲汪東山殷撰
作故文章及之

協律參差十五竿清風紙上嘯
檀欒料應海栗菴中月曾照
瀟湘入寢寒

渭川千畝計蕭然佳句曾看馬上傳
一葉秋帆高致在被風吹

去落誰邊

東山先生秋帆圖禹之鼎作今不知落誰氏矣
歸計未謀千畝竹先生曠唱日馬上所得句

閨七夕同內人

今年秋較往年長又借雙星勸一觴
仙寢亦貪桐葉閨天衣應染
桂枝香言誠有味重逾好詩到無心巧不妨
六十五年三度遇白頭還自笑
牛郎自乾隆丁亥西午迄
今三逢閏七月矣

題趙生吟香桐江諸詩

之子題詩處平生寢所經江沉一山黑
泉落半天青笠影秋如

畫漁謳古可聽何時鼓枻去我亦斗邊星

墨吳詩

墨工吳舜華以賣墨葬父養母沈歸愚尙書爲作吳孝子詩一時名宿題詠盈帙舜華孫杏舒來乞題士無貴賤至行則稱墨吳之墨血淚所凝熏以王良之柏搗以王祥之冰製成烏玉玦貯之黃金壺以贈泉魚以供顏烏而終不賣與鄭莊許止之徒太占粥粥杏舒怡怡子墨客則是裴是箕吾不識孝子識孝子之嗣如識孝子題孝子冊用孝子墨傳之千秋不磨滅匪詩之功墨之德

賞秋鐵佛寺示僧僧參

尋秋無遠近秋在澹蕩中山光弄晴翠一洗秋煙空招提隱深樹徑捷轉愈通時聞木樨香空際交天風一花不著眼機來應

無窮名理不待析勿取瑠璃籠

內子就醫吳門泊舟虎邱山塘得遊能起疾勝求醫七字屬爲足成之

清秋澹蕩與人期九里香中一櫂移眠亦對山如讀書遊能起疾勝求醫隨心得句平奇好沿路看花去住宜我自吹簫卿寫韻尋常家事道旁疑

遇仙操

龔猗汴人安節先生諱九世祖建炎初爲殿中侍御史劾黃潛善汪伯彥貶散騎郎扈蹕臨安復舊職又劾秦檜不可相者六三上不報遂退隱崑山志稱公遇異人授以靈艸一握行至眞義邨見枯杏浮水植之復生因家焉以其艸療人輒活人稱遇仙翁仙耶

否耶抑有託而然耶裔孫宿亭得公遺像來乞詩

一馬渡江化作龍願爲雲者紛相從黃汪弄陰翳白晝壓日更
苦秦雲濃鱗鱗觸邪豸冠怒兩狐一猴先後忤睡龍沉淵警不
悟鴻飛冥冥掉頭去世閒豈有真仙才枯株復榮靈艸栽畱侯
鄴侯尙辟穀公亦知幾一梅福杳有種今艸有苗金川一慟山
嶽搖燕子啄人恣羅織仙隱家風捉不得君不見楚國龔生不
學仙七十九歲天天年

雨中看桂屑參禪房燒筍酌我

花開金粟雨聲偏笠屐還參玉版禪天下總無容易事人生都
是自然緣酒消愁去心如佛詩入香來骨欲仙明日奇聞定傳
徧一僧同醉白雲邊

燕園桂花盛開爲園丁搖落舊去主人惜之戲簡一首

皎皎晴光控玉鈎花濃四照豔雙眸天浮香遠秋無界山送青
來畫滿樓一夜忽空金粟藏幾枝應上玉人頭能教舊去休憐
惜風雨飄零我更愁

書陳小雲司馬晚香樓憶語

悼其亡姬而作

打槳迎來絕代姝六朝山色作睂圖量珠未許論聲價只向郎
君索慧珠

姬王姓秣陵人

雙飛鳥誰獨飛迴消息驚從白下來第一人閒難得事若蘭親
哭趙易臺

小雲配汪夫人八詩最工

一死爭知絡秀賢情花淚葉滿湘煙朝雲嫁得才人壻諫筆何
曾有老泉

卷首有尊甫雲伯諫詞

閒卻瓊樓十二層影梅菴裏癡如冰哀絃絕調千秋兩一哭雙
成一子登

偕諸同人持螯燕園月下

解讀離騷致不同
燒燈宴客漏三終
人含秋氣心多妙
座有花香酒易空
身世直拋雲以外
性靈都寄月當中
此時只想凌虛去
一笛橫吹霍背風

偶閱張船山彭甘亭兩家集
船山字字性靈而不耐顛
撲甘亭高華典實而未脫斧鑿痕
兩君皆予友也非敢爲瑯琊之毀
千秋公論固如斯爾

張侯俊逸脫絛羈
彭老蕭閒退院僧
風月湖山同跌宕
文章意氣各飛騰
芙蓉出水清如許
果實懸秋落未曾
安得九原齊喚起
一尊重翦陸祠燈

甫里先生祠船山寓居嘗偕甘亭遊宴處

江節婦詩

江生之母

江家寡婦茹蘗荼二十有七
喪厥夫有姑癯癯危欲殂
有兒癯

癡方待哺棄兒弗乳乳乃姑姑得人乳甘醍醐天彰孝德春回
枯姑復馭還兒覃訐三十八年冰雪懼報以綽櫟 天章敷

秋夜

萬象爲客乾坤一舟神與天契如風之遊碧雲旣淨華珠自流
古淥可飲生香在眸遠取卽是近不可求時有佳想如水忘秋

情塵

瑟瑟情塵若散沙無端種核又生芽人當臨去看都好
事屬將來願總賒病久幾曾經對月愁多早已怕看花天生一種閒惆
悵纔欲刪除轉更加

九日鐵佛寺登高

一盤松磴一徘徊松鼠迎人慶澗隈黃葉逗林秋欲去白雲藏
寺客尋來頑身自喜如僧健笑口惟應對佛開努力漫誇登絕

頂最高峯更有樓臺

西莊禪院

四面空明奪輞川一莊水月足安禪
渾身花雨如摩詰到眼雲山是巨然
界斷俗塵青豆宇占來靈境白鷗天
開門不識秋聲開埽葉完時抱佛眠

立冬前一日餞秋菴園菊花下爲長夜之飲卽席和王晴香秀才

我輩清狂不羨仙酒飛明月月飛筵
園如好畫頻須讀人惜殘秋未肯眠
塵世看花皆短寢浮生與菊有深緣
自憐不是歸來早辜負寒香又一年

飲張吟樵家菊花下同言叔雲明府張鹿樵觀察

位置秋光豔一叢兩三人影坐籬東
辭官瀟灑皆陶令愛客流

連有孟公酒力能驅愁陣伏花香早洗俗情空人閒多少閑松菊不入春明曉癡中

訪吳玉松前輩

雪

不值獨行山塘戲作

乘興而來興索然夕陽勸客且流連寒鴉落葉西風裏一店花香一泊船

斟酌橋頭獨酌來綠波人影共徘徊白鷗似客無聊甚游近紅欄又折回

初冬日出北郭散步楓林閒十里五里丹黃如繡偶憇結艸菴坐小閣則遠近紅樹皆在我目高下濃淡參錯如畫有似大癡者有似叔明者亦有孤瘦似雲林者洵秋林中一巨觀矣蓋束散於聚又隱其所不美而盡收其美故景特奇以無心得之又特奇也作歌

以紀之

霜搖不落十月之桃花風吹不散十里之明霞收羅衆妙作一
束此間縱目無攔遮青女弄秋秋更華元冥借春春可賒青山
窈窕翻在隱約際但見琳宮絳闕仙人家豈無松柏挺蒼翠如
葉輔花花益媚地湧珊瑚百丈高撐著青天天破碎乾坤至此
將閉藏盡力發洩餘光昌盪之以晴煙渲之以夕陽空中濡染
五色筆絢爛全從冷中出此時不飲天笑人孤負造物顛倒春
我壺未傾秋已醉樹樹盡沃醇醪醇人生百年似朝莫氣吐虹
霓脩霜露千年老樹鐵石根多少公卿埋骨處君爲我舞我爲
君歌紅顏滿前爲歡幾何不如且酌尊中酒莫待紅顏成白首
尊中酒盡且復沽何必頭上紅珊瑚

再過楓林較前益穠麗而先紅者微脫矣弔之以酒醉

復作歌

春葩雖紅紅不變非花學花奪春豔由紅漸紫紫復深妝盡春
風阿嬌面一樹旣分深淺紅萬樹萬態各不同白雲掩映丹霞
烘媚者愈媚濃益濃一幅畫圖一幅異一番詩情一番麗若教
紅過二月天萬紫千紅盡迴避吾暫得酒興倍豪徑思攀陟如
猿猱珊瑚樹頂結作巢赤日可當玻璃敲如此珊瑚若可採驚
倒石崇與王愷龍王龍宮無此樹富媼由來富於海陸渾山火
燒晴空光爛直逼牛斗宮天公亦疑太光怪吹下少女櫛鬟風
瀟瀟一陣臙脂雨萬蝴蝶向千山舞學春太短春可憐何似青
青自今古葉自落人自歌葡萄美酒金頗羅酒人一日不死顏
一日酡葉兮葉兮奈我何

宣城姜貞毅墓

勳臣遺冢鬱松楸想見批鱗勁節留廿四氣終無定讞九重恩
竟許長流朝衣幸免趨東市旅骨難期正首邱未是山河殘破
日老兵已分老宣州

著了麻衣著鐵衣荷戈慘慘出京畿蓼莪廢後空春艸禾黍吟
成又夕暉家國一身真兩負江山半壁竟安歸惟餘幾點孤臣
淚暗向龍髯墮處揮

轉眼滄桑盡淚痕吹簫聊復隱吳門雞竿未奉先皇赦馬角空
承末造恩僧臘已非前日月衲衣何補此乾坤敬亭山色依然
在不成生人成鬼竟

蔣奇男將由楚入燕作長歌告別歌以答之

園花落盡園州枯故鄉翻如客暫居故人提壺走相送有淚且
灑東西湖問君南行意何如北風怒號雪片麤近將采蘭涉湘

浦卽復走馬登天衢君才翩翩若鸞鳳得意花看上林種故園
紅紫縱芳菲不入春明貴人懷願雪更猛風更顛長河凍合玻
璃天折君鰲兮膠君船且復爛醉過殘年殘年殘短影短杯深
深歌緩緩酒斟不竭帆不開開帆且待梅花來明知畱君君亦
去猶得同君三月住不見東湖楊柳如腰彎西湖楊柳爭手攀
年年送客柳條綠多少折腰人不還

精忠柏

浙江按察司獄卽南宋理刑廨有古柏相傳岳武穆
被陷此樹同曰枯死越今七百餘載植立不仆長二
丈餘圍四尺有奇護以鐵錫蘭以石版版刻乾隆丁
丑歲司李楚江周士錡詩嘉慶己卯吳人范正庸權
司獄繪圖鐫石搨以示世爲之作歌

萬木畏枯枯則新一株獨以枯見珍斤鬼斧不敢近忠義之
氣纏其身蛟虬翬鬱風波亭一夜號泣枯精英奸邪氣橫正氣
絕感憤物理同人情不見百口保飛宗正卿竄身南海以死爭
上書訟寃劉允升橫尸棘寺鳴不平區區小校猶忠誠竟欲斬
艾邪蒿萌柏雖艸木氣至清肯與賊檜同時生死八百年挺不
屈蛻盡龍皮騰龍骨中有丹心不肯枯只是春風吹不泯天欲
吹潛柏固辭偷生半壁匪我思除非痛飲黃龍時枯枝一一回
青枝天亦不能彊活之任其一木乾坤支表忠但勅風雷司霹
靂老檜分其尸吁嗟南渡朝廷小泥首北風如偃艸只賞西湖
花柳妍渾忘朔漠樁棠老構今構今木不真大廈以檜爲棟梁
長城如檀馮見哉不如此柏有本性直與精忠同正命但看枝
枝北向枯木理猶知朝二聖從來死貴得其死不見死而不死

樹如此

徐穀翁秀才

祿昌

省其舅氏蔣伯生大令塞垣作出關

圖屬題卽寄伯生

一騎嚴關曉日開馬頭青擁萬山來
棄繻恰有終童志堅壁誰爲李牧才
紅艸地深尋虎瓜白沙天遠認龍堆
豹奴酷似丹陽舅只當防秋拔里臺

一帳酸風酒數巡相看珠玉燠如春
何劉風誼人間少蘇李詩情塞外新
奇氣文章邊地發少年心膽醉時真
虞翻莫恨無知己珍重刀鐙寢裏身

佛雲石歌

乾隆戊申秋先太守訥夫府君從征廓爾喀獲此石
於丹達山之南明年奉祖妣邵太恭人諱哀勞得疾

歿於帕朗古軍營臨終語從者勿棄我石畱以示我
子孫故歸骨二萬里一棺外惟此石僅存高一尺六
寸寬處九寸有奇中容旁小穴三曰佛雲者取形似
識所從得也

先公從征廓爾喀手採片雲丹達山大星騎箕久天上雲飛不
去畱塵寰班禪昔困波旬劫大兵往勦震百蠻雪城陰凝太古
雪一白不見青巔屹玻璃海中透孤碧如雲一葉風吹殘西天
老佛補天處失手墜下青琅玕是雪非雲石非石萬古拋擲荒
崖間勞臣一見開心顏碧雲在天手自攀生原石骨并石性與
石訂交盟歲寒韡中插刀汝作礪馬上艸檄汝作端矛炊劍漸
汝同苦功成汝作燕然刊陣雲壓碁正深入卒奉母諱摧心肝
髑髏滿地不可語惟此石友情相關軍中枕石當枕出血淚紅

沁苔斑斑自憐忠孝兩不遂
裹尸馬革無生還
三軍羅拜盡雨泣
公之石亦球琳看
捆以櫬槨包以盾
舁歸一石與一棺
繼煙瘴雨二萬里
忠魂石氣相盤桓
忠魂不磨石不泐
石竅內蘊丹心丹
幸無伏波蕙謗迴
勝陸續清風完客
來盡具袍笏拜壁
立永礪兒孫頑大
西天上採歸石壓
倒支機片石取自
銀河灣

錢柳東山唱和圖

故人驪逐曉雲空
回首簪裾唱惱公
賸有幅巾風度在
比肩雙照鏡湖中

墨雨詩雲弄曉寒
靈心玉映照欄杆
美人肌雪才人鬢
都作南朝賸粉看

我聞秘室當詩寵
硯匣晨開筆戰酣
比得鷗波雙影否
一般春恨滿江南

楞嚴注罷出簾遲花雨聲中殺萬絲畢竟懺除情未了一枝紅
豆又催詩

大好湖山入醉哦樂天高唱柳枝歌關心只有松圓老隔著芙蓉竊聽多

擊鉢飛牋事事清絕勝絲竹惱春情只除一事輸安石少卻花
前折屐聲

玉樹歌殘泣故宮自妍殘墨賦春風西山薇蕨東山柳總在滄
桑淚眼中

錢園柳墓久榛蕪水猶傳唱和圖當取謝家山一角無痕青
似六朝無

天下大師墓

一龍青天升一龍滄海去何年龍潛歸瘞骨不封樹金川門既

開大內空一炬孺子自無知姬公乃踐昨煌煌正史書彤彤實
錄具豈知實錄文第一不足據闔宮果自焚將屍竟安厝如云
備禮葬應有置陵處鍾山渺無蹤太廟終未耐死生兩傳疑朝
野屢錯互當時百官迎幸逢九江監分雖代邸尊人盡太甲慕
不稱德昭亡必須蒯瞞拒比之鹿臺燔以絕殷頑附其貸習懷
心曰切亡人懼胡潑邈邇訪鄭和西洋赴惟恐日馭逃徧作風
影捕大索不可得既喜亦復怒蜣蜋炷命燈追論藥師詛魚服
出鬼門窮詰雍師度未卽溥洽誅猶爲道衍故白髮數寸長黑
獄十年錮文貞與文襄銘記各昭著溥洽事見楊士奇塔銘周忱風嶺講寺記以此
證遜荒夜遁迹顯露奈何曝書亭論若高叟固悉婦鄭曉書俗語丹青誤盡削程濟史仲彬名黎邱子虛數抹殺忠義臣并
不讓皇顧指爲元僧塔一意長陵護是直無人心奚啻篡逆助

春秋重表微非敢正史忤瞻望西山隅又一泰伯墓

三高祠

鳴夷子皮

一笑辭烏喙飄然竟五湖秋風高鳥盡春水白鷗呼絕色能傾國齊心爲沼吳功成身並退同寢入菰蘆

江東步兵

詎爲秋風起歸心始欲東幾先避增繳道不受樊籠笑擲名千古愁空酒一中鱸香亭下望相識有冥鴻

甫里先生

花落不春癡江湖縱所如水浮高士宅天與散人居已分漁竿隱何勞宦簡除如求茂陵稿笠澤有叢書

詩史閣歌

張月霄明經

金吾

裏集金文最一百二十卷又從郡

城黃氏得至大刊本中州集十卷爲毛氏重刊時

所未見建詩史閣廢之屬爲作歌

高閣靈瓏羣玉府萬軸芸香香萬古虹光夜燭觀史天玉版文
傳按出虎都勃極烈開國來掩遼軼元多雅才左司一手爲甄
錄以詩寓史真鴻裁江湖後集遜精審東澗小傳堪追陪流傳
韎謁世罕覩藝林偶獲珍瓊瑰唐宋元文若鼎立獨有金原未
蒐輯眼前卻逢張萬戶金石藏開恣摺拾瑤籤分排百二十不
脛而走海內出縹囊嚴裏英華集如翼飛來篋中入大金黑水
鍾英靈羣才三品貢闕廷得君鎔鑄一鑪內寶氣騰躍精鏐精
藏書務博不務精往往闕畧史與經卮言小說雜充棟黃金砂
礫同滿簾君家精收八萬卷此閣上應奎躔星毛家汲錢家述

豈足道直接舟山野史亭

余舊題吟紅閣詩稿有不知柳絮因風起飛向誰家玉

鏡臺之句爲周山樵女

敏貞作也今

敏貞試歸子孫傳

煇

矣謝庭柳絮爲吾家所得喜靈前韻

當日題詩弄玉臺那知語讖卽詩媒神仙眷屬情天合文字因緣宿世來翠裊苦無文竹倚雕陰喜見筆花開他年祖視誰堪付轉望春風詠絮才

除夕

索逋人去閉門遲已熨寒衾未睡時尙有最關心一事雨聲偏灑玉梅枝

天眞閣集卷二十八終